

Siida Wala Seeda 2003 Alhassane Abdou
Tammahā kwaara Niamey, Niger

Tammahā kwaara, manti kala kwaara sasabanté, kwaara mo no kan gonda jayze tarey. Borey ga ba care gumo I ga care ga i muraaday, kulu ga, wana-wana farimi goyo do hare, wala hu cin yan.

N°1

Hala boro fo gonda goyyaj mo, kulu i ga boogu ka a se kañ ga nañ a ma nga wane goyo gasu waasi.

Tammahā kwaara borey si hiji tarey. Da Albeeri no, da zanka kayna no, hu day no ni ga hiji. Kwaara wo sinda loktoro kwaara. Hala boro jonte, wala a ga koy ga hay, kala day da i na dake torko boj ga du ga zaari jare wala afo diraw te nda, hala i ga du ga to loktoro kwaara.

Kwaara Arkursey sinda goy ja kulu kañ na ka farimo hala kaydiya banu no boro kulu ga du hayni kañ a neere ga bankaray day nga wane Almiyaalo se, nda hari kulu kañ ga hima nda. Da kaydiya ka ga banu i gonda ngey wane bongu yeesi fo, no-din no i ga ngey korsol goy te. ḥwaari dumi dumi yan no i ga dañ.

Hari kulu kañ boro ga ba go tammahā kwaara ra. Kwaarey kulu kañ gammaaney kañ gonda habu ra no iga konda ga neere. Boro kulu no si ne mate no ay ga te. I sinda hari kulu muraadu kañ na ka jingaru beeray wana - wana arsilaam tarey jingarey, tammahā kwaara gonda jingaru banbata kañ yan i ga soola kaydiya bananta nda korsolo bananta waate kañ se i ga ne balsa.

Balsa wo waate no alborey ga ngey wane kokaro kulu cabe, borey kañ gonda wande ga, bankaarey yan day i se, arwasey mo ga ngey hina kulu te ngey bokoy se. Kwaara ga kaanu bore se, boro kulu no si ba nga ma dira. Jiiri nda jiiri yan banda ga, i du ga lokkol cina i se. Amma kwaara borey si ba, lokkol koy yan.

Boro kulu no si nga izé dañ, a to nañ kañ gaabi gaabi no i ga te zankey se, nda i wane hayrey ga du ga i wane izey dañ lokkol.

Lokkolo dañ yanjo si ganji hala bora tunu nga izo se a ga ka ga hijandi, wala a ma naaru nda, hay fo! waati fo yan saajey ra bumbo no i ga gona ga ye ndey hala kaydiya ka ga hurro. Jiiri nda jiiri yan banda ga, irkoy ka ga jiiri laalo fo sallati Tammahā kwaara borey ga. Kaydiya sandi, njwaaro sandi, korsolo goyo mana te, zama bongo mana du hari kañ ga nañ i ma goy. Hari wone ka ga sandey boobo yan gaaru i se.

N°2

KOGA WAATE (Chap. II)

Alhaali si boro kulu ga, boro kulu si bay hari kañ a ga te. Hara na borey taabandi, da boro njwa hunkuna suba a si njwa. Laabo go ga koogu gumo. Farey kañ yan ra borey doona ga du boko zambar fo cine, hino ba boko waranka ga te gaabay i se. Kala haw dungo kañ ga faaru.

Almaney go ga taabi za borey ga hin wi yan, kala a to nañ kañ almaney go day ga furuno nañ kulu kañ boro ga na, windey banda, nda mo farey ra. Alwaati fo yanra boro foyan da i koy farey ra i si ka koyne, kala i ma koy ga i sutura. Boro fo yan loktoro kwaara fonday ra no i ga bu.

Sanda wo di ga gaabu i ga, kala a te nañ kañ kwaara gaabi koyney kulu zuru ga dira ga koy kurmi.

Hari kulu mana cindi kwaara ra kala wayborey, zanka kayney nda albeeri zeeney kañ mana du ga bu. Boro wo ne yan, i si, koy ga ngey njwaaro ceeci kala N'konda huwey ra, wala mo subu buuna buno fo yan kan du ga te no i ga koy ga dogu ga ka ga hina ga te kopto ga du ga njwa. Kañ huro tajey dini koy kurmi, mo harey,

Nooru kulu kañ i du njwaari no i ga day ga samba hu. njwaaro go day ga ba, kwaara borey sintin ga ne hay hundi. Njwaaro kande yanjo banda ga, i ye ga gurgey ga day yan fansi kwaara ra ga du ga kwaara borey ga hari ceeci yanjo fonday ra, waato kañ kwaara du alhaali hanno,, boro cindo sintin ga ka hu. Ka yanjo wo baddo ga ti ngey ma ka ga hijji. I boobo no hijji.

Amma boro kulu no ga bay, huro taji halà a mano hiji kulu a si goro moso. Huro ga fattay dinra no i koy ga doori sambu, dooro wo mo mantì kala doori laalo kañ na ondunja laabey borey kulu lakkaley sambu zama a safaro no si no. Hijey booba dini waate, Arwasey kañ hunu nda dooro dini kurmi sobay gaadañ ngey wondey ga.

Alwaati yan banda ga ni ma ma kañ i ne bora bu. Hari wone na kwaara borey hamburandi gumo. Da jonta sintin bora se ni ga di kañ i ma koy Alfagey do, zimmey do, amma yaamo no.

N°3

Boro fo yan tuuri no i ga di ga zargandi bora se ga di ga hajandi kala i ma farga, amma yaamo no. Boro yan mo ne kañ ganji doori no wala carkaw.

Huro tajey buyañ laalo banda ga, wayborey mo sintin ga kani dooro cire. Ni ma di bora ma di ga kani kani, a ga yeeri, yeeri yan kañ si banu, gunde karuyan kañ si banu, nda koto yan, boro ga di mo kañ bora ga di ga faabu kala a si bay hari kañ ra no nga go. Hari wo ne wo si banu a si ye da banda, kala han fo, kwaara ize followka kañ du saaye ga koy gallo ra da caw, ka hu waate kañ i du hulanzamey, no ci i kwaara borey se kañ, dooro wo kañ go ga ngey kwaara borey taabandi, kañ go ga i wi, manti ganji doori no, manti mo carkow sanni no, amma dooro wo se no i ga ne « SIDA ». Dooro wo doori no kañ sinda safari ; Amma fondo yan go no kañ ga hini ga boro wa doori laalo wo.

Amma borey kulu kañ bu, i wondey nda i wane izay mo gonda dooro wo. Waato kañ i wane kwaara wane cawko followka na sanno wo ci, kulu bora kulu te a bon me fo. Boro kulu no si ba a sanni, nañ kulu kañ a koy ga ne nga ma faakarey, kulu i ga guna no ^{sanda} sangà hollokom, zama ngey wo do hollokom hinne no ga sanney wo dumo ci.

Waato kañ Amirou di kañ buyaño si ga ye da banda a na cee taamu ga koy nga boñ se gallo ra ga sanno deede.

AMMIRU KA GALLO RA (Chap.III)

Kaŋ Amiiru to gallo ra, a candi kala loktoro kwaara, a batu kala waato kaŋ loktoray wane albeero goyo zabu a se, a na ce taamu ga huro a kone. Kaŋ a diya, sahaŋ dinda a na no naŋ kaŋ a ga goro, zama i ga care bay, fo yaŋ kuuku banda ga no loktora na ha hari kaŋ kanda gallo ra.

Dessin (N°4)

- Ay saabu gumo nda kubay yaŋ❶ kaŋ ni te ay se. Ay kaya ḥo kaŋ ay te kwaara wo ra manti baani wone no. A si boro kulu se tuguray ra kaŋ iri kwaara di sanday bambata yaŋ. Hara na iri taabandi, zama kaydiya si ga boori kokoru banday wo kulu. Sanda wo sabbu se no ay kwaara huro taji bobo yaŋ dira ga koy ga nooru ceeci.
- Irkoy hino nda a bera ra, huro tajey wo du saaye, i na kwaara ga mo gumo. Amma huru tajey wo gaabo kulu, i wane hijey banda ga no sanday yaŋ ga ka gaaru i se jonte yaŋ no sallati i ga kaŋ na iri hamburandi gumo. Waato kaŋ dooro wo huro i gahamey ra, iri tammaha kaŋ i naŋ hamburu no, iri ye ga ne kaŋ magar ganji doori no, hari kulu kaŋ ga ti alfaga nda zimma kaŋ iri ga bay no na ngey hina te amma yaamo. Wone wo sabbu se no iri ka ga ci war se, a ga hini ga te kaŋ war wo kaŋ ga ti loktorey gonda dabari fo.
- Amiiru, ay ma ni sanno kulu se, amma alwaati fo ga no dooro wo duway ?
- Ay ga ba ay ~~mo ay~~^❷ ma bay^❸ hala borey kaŋ koy kurmi hine no a di wala ba borey kaŋ mana koy.
- Doori wo ne mana sintin i se kala waato kaŋ i hunu kurmi, hala manti wo - din kay, iri kwaara si dooro wo dumi bay. Koy-ne mo boro kulu no a mana di kala borey kaŋ hunu kurmi nda kokour banday wo no i wane wondey mo duwa.
- Ni ga hini ga ci ay se mata kaŋ dooro wo go ga te i se ?

- Dooro wo hala a na bora di, ^{sanda} sanga waato kañ a ga bangey bora ga, ni ga di kañ a ga koto, a ga karu, a ga yeeri, ya dini mo no bora ga faabu gumo, bore ga di mo kañ bora ga ba kwaaray. Amma, iri wane zanka fo kañ caw, nga hinne mo no caw kwaara ra, a ne kañ doori taji no kañ se i ga ne « SIDA », a sinda mo safari.
- Ni kañ ga ti loktoro, faaba iri ga.
- Wallaahi ay si tugu ni se, dooro wo ga laala gumo, ya dini mo no i mana du a safaro jina cimi kwaarey no sanno kañ awarso ci.
- Mate no doori laalo wo ga te ga boro di ?
- I jina day, wayboro nda alboro no ga hini ga danj care ga da bayan, hala boro wo-ne yan marganu : a ka ga garu ira a fo gonda dooro.

N°5

- I hinkanta hala wanzamey na boro kañ gonda siida cabu, hala bora dumbu, da i mana siine num ga bori kulu, da i koyga boro fo mo cabu nda koyne da bora dumbu a ga hini ga huro bora ga.

N°6

- I hinzanta, wayboro kañ gonda siida hala a ga gaayi a ga danj izo kañ go gounda ra naanu a ga, ^{haanu} yanjo dini waate hala koyciya namo nga no mo a diiney ga dooru, a ga hini ga bora di.

N°7

- Loktoro dooro wo gay mo an dunja ra ?. A ga to boro milyon (21) waranka cindi fo cine kañ a ga wi jiiri kulu. Amma iri laabo wo ra, kwaarey kañ ra a baa da gaabi, manti kala Tahoua baarice, namey kañ ga ti gallu dunka nda kombabon gu no-dini teera baaarico ra.

Amiiru, wo kan ga bine hasa ra manti kala kañ a safaro bumbo no si no.

- Sohon loktoro, ma te no boro ga te ga wa dooro wo ?
- Fondey kañ ga nañ boro ma wa dooro mo gaba bora ma bare nda amaana. I hinkanta boro ma fonda fondey bay kay kay yañ buuna buuney.⁴ I hinzanta, bora ma muradu nda fuula kañ boro ga dañ hala boro ga ba ni ma marganu nda wayboro wo kañ se i ga ne Kondom.⁵ I taacanta, hala boro koy wanzamey do boro mane i ma ngey siiney zargandi.
- Mate no boro ga te ga du kamsuwo wo kañ boro ga dañ ga du ga marganu nda wayboro.
- Kamsuwo wo, wala fuula wo, loktoro kwaara kulu kañ ra bora koy i ga no borone se yaamo.

N°10

- Loktoro ay ma ni yaamar yanjo se, amma sahonda da ay kay hu kulu ay ga boray kulu kañ gonda dooro mo katarey kwaara ra, i ma gana ga key nañ kulu kan i ga ba, amma manti ay wo kwaara ra.
- Amiiru irkoy ma boryandi ni ga, amma manti-ya dini no i ga te.

Borey wo ga ba war ma i cabe baaka⁶inay, war ma si cabe i se kañ doori no go i ga. War ma ñwa, war ma hañ nday a si hari kulu te war se, war nday ma kani hu fo walaa daari follow a si hari kulu te war se day da war ne war ga i kambe banda a si boori i se. Ya dini ga war ga i lallaasi no, war ma borey lakkaley candi nda doori laala wo kañ na anduuña kulu borey lakkaley sambu. Amma da irkoy ba, iri bumbo no ga ka kwaara ra ga du ga war boñey feeri ga tonton.

Kañ Amiiru ye hu, borey kulu lakkaley go a ga. A na kwaara borey kulu marganu, a salaj i se, a na i ka borey kañ loktorey bumbo ga ka ngey kwaara ra, ga du ga i boñey feeri.

N°8

Hano kaj i ka, i kande jiney boobo yan ngey bande. I jina day, i na tele dañ kwaara borey se i ma du ga di hari ^{male} kaj dooro dini na kwaara yan alandaaba^{ndi}, mata kan a ga hin ga te, wo dini banda ga no i na borey lakkaley candi loktorey wane jine bora no jini ga sanno sambu.

War di harey kaj iri cabe war se tela wo ra. Missayan no kaj te anduujo wora. I ne mo hari kaj du bonfuta ja ga hini ga ka bonkaana ja ga. Wo dini mo no te, zama war kwaaro wo, war mana bay gane mate no iri ga te sonko fa boro ma miile harey, ga wala doori fo ga. Dooro wo, i sine a se kala SIIDA. Cimi no, hari kulu si hun ka la irkoy do, amma boro mo ga hini ga ni bon wa nda. Fondo fo nda fondo fo yan no boro hima ga sambu ga du ga wa dooro wo ?

N°9

I jina day, boro mate aadilanté ya dini ga boro ma kay wayboro follon ga, wala boro ma kay alboro follon ga boro ma fonda fondey boj kay kayyan.

I hin kanta boro ma haggoy nda guuru ^{dumbi yan} lindo, wana wana wazamey do, I hima ga ngey siiney zargandi, zama hala i na boro kaj gonda siida cabu wala ^{conse}, hala kuro dini huro siino ga, i ye ga boro fo mo canse nda kaj sinda siida, a ga hiniga du siida.

I taacanta, iri loktorey saney kaj i ga borey gooru nda, i hima gai zargandi no.

I guwanta boro ma muraadu nda zaamani fuula kaj se Annasarey ga ne « condom ».

Fuula no kaj alborey ga hima ga dañ ngey wane alboro tarey ga hala i ga ba ga marginu nda wayboro. Fuula wo ba wayborey wo-no goono, amma a mana ba no jina. Fuula wo ga boro wa hari boobo kaj manti siida hinne, sanga doora kaj alboro nd'a wayboro ga hine ga dañ care ga sanga cantu, a ga boro wa ni ma gunde sambu hala a si kaanu ni se.

Loktorey fahamandi yanjo banda ga kwaara borey sobay ga hă ga du ga faham.

Alwaati kuuku banda ga koy i go ga, nga ga no loktoroni lakkaley candi hari kañ ga ti borey kañ dooro wo a go ga di da gaabi boj.

Doori laalo wo kan war go ga di, borey kañ a go ga di da gaabi manti kala huru tajay, waana wana borey kañ gonda jiiri way cindi gu (15) ga koy jiiri waranza a fo si izay (29) zama ngey no si goro moso. A si boro kuñ se tuguray ra mo kañ huro tajay mo ngay no gonda gaabi kañ ga laabo goy, ya-din ga hala gaabi koney wo hunu iri cire, haray ga te, kwaara yan ga tuusu, kwaara yan wangu ga i njwa zama gaabi koyni kulu si, danj manti arkursay hinne, wayboray bumbo kañ doori laalo wo di, na hundi boobo mulsandi, a fo day i na danj boro yan ga, wana wana i wane izay kañ go i gunday ra ga. Da iri koy ga sambu annasaara jiiri zambar 2000 ra a ga to zanka zambar zongu iddu (600.000) kañ doro wo di andunja wo ra. Da iri koy ga zulumanta kulu samba war se, a ga to boro miliyon waranza cindi iddu kañ dooro wo di, kañ gaabo kulu si kala iri boro bi laabey ra.

Laabari kuukay wo banda ga no Amiiru tun ga sanni fo hā.

- Wo kañ ay wo ga ba ay ma bay ga ti hala i ga hini ga borey no fondo, boro kañ gonda dooro wo, waana-wana wayboro gunde koy, hala a hay izo i mana hima go nañ a ma beeri sonko fa a ma dooro danj boro fo ga koyne ?

Tu yanjo kan loktorey jine bora te, a se ra no a ne ngay mana ne ima hundi ~~wani~~ kulu ka'si hini ga cabe boro se ga kañ dooro no, kala day da i ma kay ga konkansi bambata yan te ga du ga bay kañ dooro no.

Hala ay ga koy ga to fahamandi yanjo me, ay ga Aran lakkaley candi nda hari fo, kañ ga bory kan aran kwaara, kwaara darzante no, wo-din mo no nañ a du habu, day.

Aran ma haggoy nda mooto zurandi koy. Sanno wo kañ i kokow ga ci na hondi boobo nda way ja boobo lakkaley sambu. Wone-wo kande wayboro fo mo hā hari kañ se i ne ngay ma haggoy nda mooto koyey ?

Mooto koyay kañ iri ne waran ma haggoy nda, manti kala wo kañ yan ga naarumikoy sambu, hunkuna hala doori laala wo ba iri laabo wo ra, i wane kabe go a ra. A siino hunkuna mooto zurandi ko kañ sinda hondiyo fo, wala wande kwaara, waranka

Itaacanta, ni ma huro mootho followka ra nda boro kan gonda
Gunda 2018

ra zongo boŋ ; da iri koy ga laasabu mo, dooro wo mana hunu kala laabu waaney ra, dooro wo, huro mootey ra ga ka iri laabo wo, a huro beene hiyay ra, ga ka, a huro hiyay ra ga ka day konkansey kaŋ i te ra mootho koyay no na dooro wo ga a ma huro laabo wo ra da gaabi. Day iri mo, wo kaŋ iri ga aran yaamar nda gati boro kaŋ gonda mootho kaŋ arwsu ma a yaamar a ma bare nda parmi 2 a ma bare mota parmi hinka, a fa mootho zurandi yay war a fa mo, i wane baano nda aran bumbay baano subba se.

Wane parmiyo no kaŋ ga ti zaamani fuula kaŋ se i ga ne condom. Hari kaŋ se iri ne a se parmi hinkanta, boro ga parmi te day amma da boro ga huna day no ni ga du a gomma yadinda,parmi hinkanta mo ga boro wa doori sambu yan fonday, wala kwaara cindo ra, kaŋ ga hin ga to boro se hundi cine ga.

Fahamandiyāŋ bambata wo banda ga, jan ga nanay no ka ga huro kwaara boray nda care game ra. Wo-din banda ga kwaara kaya-kayne kulu kaŋ ga moonay, na ce kosu i ga, boro kulu si ka, boro kulu si ye i do ; kwaara kulu arwasu si hilji i ga, ya-din mo no hala i kwaara boro koy ga hiljay ceeci nongu fo, i ga wanji i se.

Da tammahā kwaara boro kay ga goy ceeci nongu fo, i si a sambu, i si i dan saware, zama i na i kwaara sambu siida wane gumbu, wo-din banda ga, borey mana faham ga boori mata kaŋ dooro wo ga hini ga boro di, nda mata kaŋ a si hin ga boro di, ma te no boro ga hin ga wa nda. Jan ga fahama wo, na kankami bambata dan kwaara wo boray se.

Mate no iga te ga boray wo faaba ?

Kala day loktoray kay ga guddi* ga boori, nda boray kaŋ du fahamay dooro wo boŋ, ga du ga jama lakkalay candi, ga du ga kwaaro wo faaba fondo wo ra no i na sanniize yan gorandi za tammahā kwaara boray, kla kala kwaarey kaŋ ga maaney wane lakkaley ra.

Ijina day moy si hin ga boro kaŋ gonda siida doori bay.

I hinkanta, boro ma salaŋ nda boro kaŋ ga dooro go, ma ŋwa nda, ma han nda ma bare nda fu follow ka ra si naŋ siida ma du boro.

N°11

Ihinzanta, ma siida kañ fo, ma dan gaoy si nañ siida ma ni di.

N°12

Itaacanta, ni ma huro mootho fellowka ra nda boro kañ gonda siida si nañ dooro wo ma bora di. Day hala iri ga banu, iri ga ye ga war lakkaley candi nda hari yan kañ ga hini ga dooro wo candi ga kande war ga.

N°13

- 1°) Boro ma haggoy nda boro boj
- 2°) Boro ma bore nda Amaana ya din ga boro ma kay boro fo ga
- 3°) Boro ma haggoy nda siinay wala zaamay kañ wanzamey ga muraadu nda
- 4°) Boro ma lakkal nda saney kañ i ga boro gooru nda loktor kwaara.
- 5°) Hala boro si hin ni boj kulu boro ma muraadu nda zaamani fuula. Kañ se i ga ne kondom zaamani fuula ga boro wa doori boobo kañ na ka siida, a ga ganji mo boro ma gunde sambu.

HURO TAJEY

Arañ ga ti laabu alzaka
 Arañ ga ti laabu gaabi
 Arañ ga ti laabu hina

Hay huro tajey
 Wa zabu Arañ furo ga fattay ra
 -wa kay boro fo ga-
 Ga du ga wa zamaani dooro
 Kañ si Talkayze bay
 A si nooru kooni ize bay
 A ga haamay day no ga bisa

Siida goono
 A go laabay kulu ra
 A go andunja kulu ra
 A go aran̄ cay cire
 Ya din ga iri ma iri bog lakkai

Dooro kañ na andunya kulu hamburandi
 Dooro kañ na hundi boobo tuusu
 Dooro kañ na Almiyaali boobo tuusu
 Dooro kañ na Alzaka boobo daramdi
 Dooro Kañ na haray boobo candi
 Dooro wo kañ se i ga ne siida sinda safari

Siida
 A sinda bakaray
 A ga hin ga boro kulu di
 A si ja bay
 A si baaba bay
 A si zanka kayna bay
 Ya-din mo no a si alaatoumi, leebante nda hina bano bay

Zamaani fuula
 Niya bangu daabey fuula no
 Ni ya hallasay fuula no
 Ni ya haawi gaayiyaj fuula no